

## **Europaråde**

### **Ministarjuogos**

#### **Ministarjuohkusa hásstalus RecChL (2006)4 europa biejadusá riikadajva- jali unneplågogiela birra Svieriga anodime gávttuj**

(Ministarjuohkuisis dáhkkidum 2006 ragátmáno 27.b. 974 biejadustjáhkanimen)

Ministarjuogos,

16 ártihkkala milta europa biejadusán riikadajva- jali unneplågogiela birra,

mij árvustallá nanustahttemássjetjállagav majt Svierik 2000 guovvamáno 9.b. vattij,

mij le merustallam ássjedåbddejuohkusa diedádusáv Svieriga biejadusá anodime birra,

mij árvustallá vaj diedádus le vuododum diededimijda majt Svierik vattij ietjas nuppe diedádusán, svieriga fábmudagájs duoddediededime, diededime vattedum orgánajs ja lihtojs ma li láhkalattjat Svierigin vuododum ja diededime majt ássjedåbddejuogos le barggosadjeguossidimijn oahppam,

mij le svieriga fábmudagáj javllamusájt sisano birra ássjedåbddejuohkusa diedádusán árvvulasstám,

bádtji vaj svieriga fábmudagá árvvulassti gájkka ássjedåbddejuohkusa tsuojgodimijt vuorodimijn, vuojn:

1. Oajvvadásájt állidit Áhtsádimes suomagiela ja oarjjilijsámegiellaj birra mij guosská suomagiela ja sámegiela tjuottjudusguovlojt vijdedit. Mierredit aj sierralágásj láhkaásadimev riikadajva- jali unneplågogiela birra ja vuododit riikalasj fábmudagáv ávdåsvásstádusájn állidimev váksjut.
2. Nannodittjat máhttelisvuodav áhpadussaj riikadajva- jali unneplågogiellaj vierttiji gávnas dago álgaduvvat. Gádoda struktuvralasj gássjelisvuodajt ja luohkkogássjelisvuodajt ja strahtegidjajt sierraláhkáj hábbmit lasedittjat áhpaddijj lågov ja fállat áhpadusáv vuodoskåvlå mañemus jagijda riikadajva- jali unneplågogiellaj.
3. Rievddadit tjerdaht ma gávnnuji áhpadussaj riikadajva- jali unneplågogiellaj Svieriga vålgegogisvuohthan biejadusa milta. Laseda kvalitehtav ja máhttelisvuodav "iednegiella"- áhpadussaj dagáduvvá ja álgadit hiebalasj dagojt guovtegielak áhpadussaj.
4. Bisodittjat oarjjilijsámegiellav ráhtot hiebadahkes ja sjuggelis dagojt mierredit.
5. Vuododit struktuvralasj vuodoprinsihpav ja álgadit organisasjåvnålasj dagojt arvusmahtatjit sámegiela, suomagiela ja meänkieli njálmålasj ja tjålålasj anodimev

aktavuodajn duobbmostávláj ja tjuottjudusfábmudagáj nammadum  
tjuottjudusguovlojn.

6. Arvusmahttet ja/jali giehpedit vuododimev ja/jali unnemusát avta tidniga anodimev  
sámegiellaj ja meänkielij.
7. Dagojt álgadit ma báhtusav vaddi rijkadajva- ja unneplågogielajda diedulasjvuodav ja  
dádjadusáv svieriga sebrudagán lasedi.